

# **Surxondaryoda “Uch avlod uchrashuvi” bo’lib o’tdi**



## **Surxondaryoda “Uch avlod uchrashuvi” bo’lib o’tdi**

Bugun Termiz tumanidagi “Marvarid” dam olish maskanida viloyatimiz shahar va tumanlaridan tashrif buyurgan nuroniy otaxon va onaxonlar, davlat mukofotlari sohiblari, qishloq xo’jaligi, ishlab chiqarish, ijtimoiy soha ilg’orlari, ijodiy tashkilotlar vakillari hamda yoshlar ishtirokida “Uch avlod uchrashuvi” o’tkazildi.

Turli millat va turli yosh vakillarini mushtarak maqsad yo’lida bir davraga jam qilgan tadbir doirasida boshqa shu kabi tadbirlardan farqli o’laroq ochiq osmon ostidagi amfiteatr atrofida bayram dasturxoni yozildi. Uning atrofida yig’ilganlar dildan suhbat qurishdi. Samimiy muloqtlarda mamlakatimizda inson va uning qadr-qimmatini


yuksaltirish, xalqimizning orzu-umidlarini ro'yobga chiqarish ustuvor vazifaga aylangani ta'kidlandi.

Tadbirda Surxondaryo viloyati hokimi Ulug'bek Qosimov so'zga chiqib, kirib kelayotgan 8 mart - Xalqaro xotin-qizlar kuni va "Navro'z" umumxalq bayrami bilan barchani tabrikлади. Viloyat rahbari yangilanish va yasharish ayyomi bo'lgan "Navro'z" kirib kelishi munosabati bilan viloyatimizda keng ko'lamlı obodonlashtirish, ko'kalamzorlashtirish va bunyodkorlik ishlari amalga oshirilayotganligini ta'kidlab, bu ishlarning borishida keksa nuroniyalarimiz yoshlarga yo'l-yo'riq ko'rsatib, o'rta yosh va yoshlar vakillari esa olib borilayotgan ishlarda faol bo'lib, o'z hissalarini qo'shishga chaqirdi.

Bu boradagi ishlarni amalga oshirish voha ahlining "bir yoqadan bosh chiqarib", birlashib, birgalikda bir kuch bo'lib harakat qilmog'i lozimligi ta'kidlandi. Shuningdek, Davlatimiz rahbari tashabbusi bilan "Inson qadri uchun" g'oyasi ostida olib borilayotgan islohotlarning viloyatdagi ijrosi, aholi turmush farovonligini oshirish, vohani rivojlantirish borasida amalga oshirilayotgan keng ko'lamlı ishlar xususida to'xtalib o'tildi.

Tadbirda el suygan, O'zbekiston va Qoraqalpog'iston xalq artisti Mahmud Namozov va boshqa san'atkorlarning Ona Vatan, do'stlik, ezbilik, hamjihatlik, mehr-muhabbat va tinch-totuv hayotni tarannum etuvchi kuy-qo'shiqlari barchada iliq taassurot o'yg'otdi.

Tadbir yakunida nuroniyalar mamlakat tinchligi va ravnaqi hamda xalqimiz farovonligini tilab, duoga qo'l ochishdi.








Image not found or type unknown








Image not found or type unknown

